

Die Invalide

© Copyright by Jeff Siegrist

Was macht en Mensch zum Invalid
wer weiss scho gnau a was es liit
dass die Invalide so müend liide

Sind si scho so cho uf d`Welt?
hät de Hund nid nume bellt?
hät en Mine gno sin Fuess?
oder isch es gar en Buess?
dass die Invalide so müend liide

All die Frage zählet nüt
wichtig isch dass alli Lüüt
die invalide Mensche akzeptieret
wil "*invalid*" heisst übersetzt
ungültig und nüt meh wert
und das chann I eso nid toleriere

Villicht isch morn nid grad min Tag
und ich chomme under s Tram
villicht verlür I däbi es Bei
villicht sogar grad zwei
wirde selber zum e Invalide

Denn tröscht I mi, dass I no leb
jetzt erscht recht am Lebe chleb
und, dass I glich no öpis wert bin
am Schluss sind die wo händ en Grind
aber leider mit nüt drin
die einzig wahre Invalide

de Tscheff